

7 Chhinài ê hiaⁿtī chímōe, lán kījân tit tiòh chiahê èngún, lán tòh engkai chhengkhì kakī, tûkhì itchhè jìokthé kah simlêng ê lahsap, koh tiòh tī kèngùì SiōngChú tiong sengoáh, thang chiâⁿchò oânchoân sèngghò.

Paulô ê Hoaⁿhí

2 Tiòh khuikhoah lín ê simheng lâi chiapláp goán. Goán m̄ bat khekkhui lâng, m̄ bat pāihoāi lâng, mā m̄ bat phiⁿ lâng. **3** Góa kóng áne, m̄ sī beh kā lín chekpī, inūi góa bat kóng kòe, goán chin thiàⁿ lín, goán goānì kah lín chòhóe sí, chòhóe oáh. **4** Góa chin sìnjīm lín, koh putsī ēng lín chò khoakháu. Tī goán itchhè ê hoānlân tiong, góa ū kéktōa ê anūi kah hílók.

5 Tiòhsng goán íkeng lâi kàu Maketóniah, m̄ nā goán ê sengkhu bē tàng tit tiòh anhiòh, koh hoántng chhùchhù tú tiòh khùnlân; tī gōabīn ū huncheng, tī lāibīn ū kiaⁿhiāⁿ. **6** Chóng sī, Hit Ūi anūi sitchì ê lâng ê SiōngChú, chhe Tīto lâi kàu goán chia, hō goán tit tiòh anūi. **7** M̄ nā inūi i ū lâi, mā inūi i ū kóng khí lín tui i ê kólē, lín ê khatbōng, lín ê aisiong, íklp lín tui góa ê jiatchhiat koansim, sói, hō góa koh khah hoaⁿhí.

8 Suijân góa ê phoe hō lín kámkak iusiong, góa khiok bô hiōhóe; kísit góa ū hiōhóe kòe, inūi góa chai hit tiuⁿ phoe ū ínkhi lín chitsī ê iusiong. **9** Chit má góa chin hoaⁿhí, m̄ sī inūi lín kámkak iusiong, khiok sī inūi lín ê iusiong ū hō lín hóekái; SiōngChú ū siāniōng lín ê iusiong, sói, lín bô inūi goán siū tiòh jīmhô sionghāi. **10** Inūi kèngkhiân ê iusiong ē hō lâng hóekái, tìsú titkiù, sói che sī bô siáⁿmih thang hiōhóe ê; m̄ koh, siók sèkan ê iusiong ē tìsú síbōng. **11** Lín khòⁿ, lín tī SiōngChú bīnchēng ê chit chióng iusiong, hō lín hiahnih jiátsim teh piānkái kakī ê chhengpéh, hiahnih hùnkhai, hiahnih kèngchhéⁿ, hiahnih khatbōng, hiahnih jiatchēng, koh hiahnih kékliat teh khiánchek puthoat! Tī tak hāng tāichì téngbīn, lín

7 親愛 ê 兄弟姊妹，咱既然得 tiòh chiahê 應允，咱 tòh 應該清氣 kakī，除去一切肉體 kah 心靈 ê lahsap，koh tiòh tī 敬畏上主中生活，thang 成做完全聖化。

保羅 ê 歡喜

2 Tiòh 開闊 lín ê 心胸來接納阮。阮 m̄ bat khek 虧人，m̄ bat 敗壞人，mā m̄ bat phiⁿ 人。**3** 我講 áne，m̄ 是 beh kā lín 責備，因為我 bat 講過，阮真疼 lín，阮願意 kah lín 做伙死做伙活。**4** 我真信任 lín，koh 不時用 lín 做誇口。Tī 阮一切 ê 患難中，我有極大 ê 安慰 kah 喜樂。

5 Tiòh 算阮已經來到馬其頓，m̄ nā 阮 ê 身軀 bē tàng 得 tiòh 安歇，koh 反 trng 處處 tú tiòh 困難；tī 外面有紛爭，tī 內面有驚惶。**6** 總是，hit 位安慰失志 ê 人 ê 上主，差提多來到阮 chia，hō 阮得 tiòh 安慰。**7** M̄ nā 因為伊有來，mā 因為伊有講起 lín 對伊 ê 鼓勵，lín ê 渴望，lín ê 哀傷，以及 lín 對我 ê 熱切關心，所以，hō 我 koh khah 歡喜。

8 雖然我 ê phoe hō lín 感覺憂傷，我卻無後悔；其實我有後悔過，因為我知 hit 張 phoe 有引起 lín 一時 ê 憂傷。**9** Chit má 我真歡喜，m̄ 是因為 lín 感覺憂傷，卻是因為 lín ê 憂傷有 hō lín 悔改；上主有善用 lín ê 憂傷，所以，lín 無因為阮受 tiòh 任何傷害。**10** 因為敬虔 ê 憂傷 ē hō 人悔改，致使得救，所以這是無啥物 thang 後悔 ê；m̄ koh，屬世間 ê 憂傷 ē 致使死亡。**11** Lín 看，lín tī 上主面前 ê chit 種憂傷，hō lín hiahnih 熱心 teh 辯解 kakī ê 清白，hiahnih 憤慨，hiahnih 警醒，hiahnih 渴望，hiahnih 熱情，koh hiahnih 劇烈 teh 譴責不法！Tī tak 項 tāichì 頂面，lín 已經 lóng 證明 kakī 是清白 ê。

íkeng lóng chèngbêng kakī sī chhengpéh ê.

12 Sǒí, góa suijiân ū siá phoe hō lín, m̄ koh góa pēng m̄ sī ūi tiòh chò m̄ tiòh ê lâng, á sī chiákhui ê lâng siá ê, khiok sī ūi tiòh beh hō lín tī SiōngChú bīnchêng bēngpèk lín tùi goán ê jiátsêng ū gōa chhim. 13 Goán ū inūi áne tit tiòh anù. Goán m̄ nā tit tiòh anù, koh inūi khòⁿ tiòh Tīto ê hoaⁿhí, hō goán koh khah chhiong móa hílók; inūi i ê simlêng ū tùi lín tit tiòh hílók. 14 Góa bat tùi i khoakháu lín ê tāichì, lín mā khaksit bô hō góa làukhùi; tú chhinchhiūⁿ góa tak hāng tāichì lóng tùi lín kóng sitchāi ōe, góa tùi Tīto khoakháu lín ê ōe mā chèngbêng sī chinsit ê. 15 Sǒí, tng Tīto siūⁿ khí lín áchóaⁿ teh sūnhòk i, koh kiongkiong kèngkèng teh chiaphāi i ê sī, i tùi lín ê thiàⁿ tòh jú chhim. 16 Taⁿ góa huisông hoaⁿhí, inūi góa ē tàng oânchoân sìnjīm lín!

12 所以，我雖然有寫 phoe hō lín，m̄ koh 我並 m̄ 是為 tiòh 做 m̄ tiòh ê 人，á 是食虧 ê 人寫 ê，卻是為 tiòh beh hō lín tī 上主面前明白 lín 對阮 ê 熱誠有 gōa 深。13 阮有因為 áne 得 tiòh 安慰。阮 m̄ nā 得 tiòh 安慰，koh 因為看 tiòh 提多 ê 歡喜，hō阮 koh khah 充滿喜樂；因為伊 ê 心靈有 tùi lín 得 tiòh 喜樂。14 我 bat 對伊誇口 lín ê tāichì，lín mā 確實無 hō 我漏氣；tú 親像我 tak 項 tāichì lóng 對 lín 講實在話，我對提多誇口 lín ê 話 mā 證明是真實 ê。15 所以，當提多想起 lín án 怎 teh 順服伊，koh 恭恭敬敬 teh 接待伊 ê 時，伊對 lín ê 疼 tòh jú 深。16 Taⁿ 我非常歡喜，因為我 ē tàng 完全信任 lín！